

*Electi 10 oratori a dar ubedientia a Roma  
al Pontefice Leon X con pena.*

|                                                                                    |         |
|------------------------------------------------------------------------------------|---------|
| † Sier Andrea Griti procurator . . .                                               | 108.72  |
| Sier Cabriel Moro el cavalier, fo ambassador in Spagna . . .                       | 29.149  |
| Sier Piero Pasqualigo dotor, cavalier, fo ambassador in Hongaria . . .             | 59.119  |
| Sier Piero Trun, fo savio da terra ferma, qu. sier Alvise . . .                    | 34.142  |
| Sier Marco Antonio Loredan, fo Cao dil Consejo di X, qu. sier Zorzi . . .          | 37.140  |
| Sier Andrea Trivixan el cavalier, fo luogotenente in la Patria . . .               | 73.102  |
| † Sier Piero Balbi el savio dil Consejo, qu. sier Alvixe . . .                     | 126. 51 |
| † Sier Piero Lando el savio da terra ferma, qu. sier Zuanne . . .                  | 106. 71 |
| † Sier Domenego Trivixan el cavalier, procurator . . .                             | 154. 22 |
| † Sier Christofal Moro, fo podestà a Padoa, qu. sier Lorenzo . . .                 | 141. 36 |
| Sier Polo Antonio Miani, fo consier, qu. sier Jacomo . . .                         | 90. 88  |
| Sier Vetur Foscarini el savio da terra ferma, qu. sier Alvise provedador . . .     | 52.126  |
| † Sier Hironimo Contarini, fo capitano a Padoa, qu. sier Bertuzzi procurator . . . | 138. 34 |
| Sier Nicolò Michiel el dotor, è di Pregadi, qu. sier Francesco . . .               | 56.120  |
| Sier Andrea Loredan, fo Cao dil Consejo di X, qu. sier Nicolò . . .                | 55.122  |
| Sier Zorzi Pixani dotor, cavalier, fo consier, qu. sier Zuanne . . .               | 98. 76  |
| Sier Sebastian Justinian el cavalier, fo savio a terra ferma . . .                 | 62.114  |
| Sier Alvise Gradenigo, fo Cao dil Consejo di X, qu. sier Domenego cavalier . . .   | 49.128  |
| † Sier Lunardo Mozenigo el savio dil Consejo, qu. Serenissimo . . .                | 154. 24 |
| Sier Michiel Da Leze, fo Cao dil Consejo di X, qu. sier Donado . . .               | 59.119  |
| † Sier Marin Zorzi el dotor, fo Cao dil Consejo di X . . .                         | 131. 43 |
| Sier Francesco Donado el cavalier, l'avogador di comun . . .                       | 60.114  |
| † Sier Polo Capelo el cavalier, fo savio dil Consejo . . .                         | 126. 44 |

|                                                                                                                       |                          |
|-----------------------------------------------------------------------------------------------------------------------|--------------------------|
| † Sier Zorzi Emo, fo savio dil Consejo, qu. sier Zuan cavalier . . .                                                  | 146. 31                  |
| Non. Sier Nicolò di Prioli, fo podestà a Padoa, qu. sier Zuanne . . .                                                 | } per esser di papalista |
| Non. Sier Piero Marzello el consier, qu. sier Jacomo Antonio cavalier . . .                                           |                          |
| Non. Sier Zorzi Corner el cavalier, procurator                                                                        |                          |
| Non. Sier Bernardo Bembo dotor, cavalier, fo consier . . .                                                            |                          |
| Non. Sier Alvise da Molin savio dil Consejo, qu. sier Nicolò . . .                                                    |                          |
| Non. Sier Lorenzo di Prioli, fo consier, qu. sier Piero procurator, per cazarsi con il Foscarei è orator a Roma . . . |                          |

Et stridati che i fonno, sier Marin Zorzi, uno di electi, andoe in renga et si seuso per aver la moglie inferma et aver 4 fie, non sa a chi lasarle, non a fioli mascoli, è stato preson in Franza, et pregò fusse acetà la sua seusa. Fu posto, per i consieri, di accettarla. Andò la parte, 79 di sì, 86 di no. *Iterum*: 85 de sì, 87 di no; non fu presa; vol per le leze li do terzi.

Et licentato il Pregadi fo chiamà Consejo di X 222\* con una e l'altra zonta; e intrato la granda prima in materia pecuniaria, stetenò poco et voleano far certa cossa et non fu hordine, et veneno zoso per tempo. E nota. La reduction di la zonta di presonieri fo per asolver, a requisition dil Papa, uno di Renaldi trivixan, qual è . . . ; e fo leto la letera di l'orator a Roma, et visto, il Consejo si levono.

A dì 29. La matina vene l'orator dil Papa in Colegio et ringratiò la Signoria di la election di oratori, et altri sumarii di quello fa il campo di Spagna, et dil partir dil conte di Chariati eri sera.

Vene sier Nicolò Vendramin provedador executor, qual eri matina per tempo parti da Ronchi et zonse qui a hora di Pregadi, mandato dal capitano zeneral, e ave audientia con li Cai di X.

Di campo, fo letere di provedadori zenerali, di 28, hore . . . da Ronchi. Come il capitano zeneral era slato ozi a San Bonifazio e visto lo alozamento li piaque, e havia fato tajar certa aqua per impaludar, acciò i nimici cussi presto non venisseno sul visentin, et il governador era pasato di qua con l'artelarie e la sua compagnia e starà; et il capitano à terminato, come i nimici sarano a Valezo, di passar con tuto l'exercito de qua e disfar il ponte et venir a San Bonifazio; e inteso i nimici siano intrati in Verona, levarsi li nostri e venir a Montagnana. De i nimici spagnoli hanno esser a Calzinà e Lonà